

ქ. თბილისი

2022 წ. _____

I. მხარეები

წინამდებარე ხელშეკრულება დადებულია 2022 წლის _____, ერთის მხრივ სს „საქართველოს სახელმწიფო ელექტროსისტემას“, წარმოდგენილი მისი დირექტორთა საბჭოს წევრის – _____ სახით (შემდგომში – „შემსყიდველი“) და მეორეს მხრივ _____ (შემდგომში – „მიმწოდებელი“) შორის, წარმოდგენილი _____ სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს (CPV კოდი: 50110000) ტექნიკური მომსახურება (სერვისი სათადარიგო ნაწილებით) დანართი #1 –ის (ფასების ცხრილი) და დანართი #2 –ის (ტექნიკური პირობა) შესაბამისად.

2.2 დანართი #1 და დანართი #2 წარმოადგენს წინამდებარე ხელშეკრულების განუყოფელ ნაწილს.

2.3 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

III. საქონლის ღირებულება და ანგარიშსწორების პირობები

3.1 ავტოტრანსპორტის ტექნიკური მომსახურების (სერვისი სათადარიგო ნაწილებით) სახელშეკრულებო ღირებულება შეადგენს _____ ლარს დღგ-ს ჩათვლით (შემდგომში – „ხელშეკრულების ღირებულება“). სპეც. ტექნიკის ტექნიკური მომსახურების (სერვისი სათადარიგო ნაწილებით) პრეისკურანტის საერთო ღირებულება განსაზღვრულია წინამდებარე ხელშეკრულების დანართი #1-ის (ფასების ცხრილი) შესაბამისად და შეადგენს _____ ლარს დღგ-ს ჩათვლით. სპეც. ტექნიკის ტექნიკური მომსახურების (სერვისი სათადარიგო ნაწილებით) ღირებულება ითვალისწინებს ყველა ხარჯს, მათ შორის: საქართველოს კანონმდებლობით გათვალისწინებულ გადასახდს.

3.2 ანგარიშსწორება განხორციელდება ეტაპობრივად, ფაქტიურად გაწეულ მომსახურებაზე (სერვისი სათადარიგო ნაწილებით) მიღება-ჩაბარების აქტის გაფორმებიდან და სათანადო დოკუმენტაციის (თუ „მიმწოდებელი“ არის დღგ-ს გადამხდელი საგადასახდო ანგარიშფაქტურის) წარმოდგენიდან 8 (რვა) სამუშაო დღის განმავლობაში.

3.3 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „მიმწოდებელი“ მოვალეა გაუწიოს „შემსყიდველს“ ავტოტრანსპორტის ტექნიკური მომსახურება (სერვისი სათადარიგო ნაწილებით) წინამდებარე ხელშეკრულების პირობების შესაბამისად.

4.2 „შემსყიდველი“ მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს ავტოტრანსპორტის ფაქტიურად გაწეული ტექნიკური მომსახურების (სერვისი სათადარიგო ნაწილებით) ღირებულება;

4.2.2 „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი სპეც. ტექნიკის ტექნიკური მომსახურების (სერვისი სათადარიგო ნაწილებით) მიმდინარეობის შესახებ.

4.2.3 წერილობით შეატყობინოს „მიმწოდებელს“ მიღების ან ექსპლუატაციის დროს შემჩნეული ნაკლის აღმოჩენისთანავე.

4.3 „მიმწოდებელი“ ვალდებულია ხელშეკრულებით გათვალისწინებული ტექნიკური მომსახურება (სერვისი სათადარიგო ნაწილებით) განახორციელოს ხარისხიანად და არსებული სტანდარტების შესაბამისად.

ელექტრონული ტენდერი პრეისკურანტით სსე-სათვის ავტოტრანსპორტის ტექნიკური მომსახურების (სერვისი სათადარიგო ნაწილებით-ა/მანქანებისთვის მაღალი წნევის მილების დამზადების და შეკეთების მომსახურება) შესყიდვა

4.4 „მიმწოდებელი“ ვალდებულია ხელშეკრულებით გათვალისწინებული ტექნიკური მომსახურება (სერვისი სათადარიგო ნაწილებით) განახორციელოს წინამდებარე ხელშეკრულების დანართი #1 (ფასების ცხრილის) და დანართი #2 (ტექნიკური პირობები) შესაბამისად.

V. გასაწევი მომსახურების ვადა და ადგილი

5.1 წინამდებარე ხელშეკრულებით განსაზღვრული სს „სსე“-ს ავტოტრანსპორტის ტექნიკური მომსახურების (სერვისი სათადარიგო ნაწილებით) გასაწევი მომსახურების ვადაა - ეტაპობრივად, ხელშეკრულების გაფორმებიდან 24 თვის განმავლობაში, „შემსყიდველის“ მიერ დაზიანებული დეტალის მიტანიდან ან/და ავტომანქანის „მიმწოდებლის“ სერვის ცენტრ(ებ)ში მიყვანიდან 1 სამუშაო დღე:

5.2 ავტოტრანსპორტის ტექნიკური მომსახურების (სერვისი სათადარიგო ნაწილებით) გაწევის ადგილია: საქართველოს ტერიტორია, -----:

5.3 მობილური ჯგუფებით სს „სსე“-სათვის ავტოტრანსპორტის ტექნიკური მომსახურების (სერვისი სათადარიგო ნაწილებით) გაწევის ადგილია: -----

VI. საგარანტიო ვადები:

6.1 „მიმწოდებლის“ მიერ სს „სსე“-ს კუთვნილი ავტოტრანსპორტის ტექნიკური მომსახურების (სერვისი სათადარიგო ნაწილებით) გაწეულ მომსახურებაზე და შეცვლილ ნაწილებზე საგარანტიო ვადა არის მიღება-ჩაბარების აქტის გაფორმების დღიდან: -----.

6.2 საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია თავისი ხარჯებით აღმოფხვრას აღმოჩენილი წუნი და მისგან გამოწვეული დაზიანება „შემსყიდველის“ წერილობითი შეტყობინების მიღებიდან გონივრულ ვადაში, მაგრამ არაუგვიანეს --- (-) სამუშაო დღეში. საკუთარი ხარჯებით აღმოფხვრას აღმოჩენილი წუნი და მისგან გამოწვეული დაზიანება. მიმწოდებლის მიზეზით გამოწვეულ ნებისმიერ დაზიანებაზე (სამუშაო პროცესში მიმწოდებლის მიერ გამოწვეული დაზიანებები) პასუხისმგებლობა ეკისრება მიმწოდებელს. მიმწოდებელი ვალდებულია საკუთარი ხარჯით აღმოფხვრას აღნიშნული დაზიანება.

VII. მხარეთა პასუხისმგებლობა

7.1 „მიმწოდებლის“ მიზეზით ტექ.მომსახურების (სერვისი სათადარიგო ნაწილებით) დაგვიანებით, არასრულად, ხარვეზით ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო შეუსრულებელი ტექ.მომსახურების (სერვისი სათადარიგო ნაწილებით) ღირებულების 0,1%-ის ოდენობით, ყოველ ვადა გადაცილებულ დღეზე, ტექ.მომსახურების (სერვისი სათადარიგო ნაწილებით) ჯეროვნად და სრულად გაწევამდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.2 „მიმწოდებელი“ ვალდებულია ხელშეკრულების შეუსრულებლობისთვის გადაიხადოს პირგასამტეხლო ხელშეკრულების ღირებულების 5% -ის ოდენობით.

7.3 ამ ხელშეკრულების 7.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ „მიმწოდებელი“ არ გამოსწორებს საგარანტიო პერიოდის განმავლობაში გამოვლენილ ხარვეზს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის დადგენილ ვადებში - შესატყვისი ვადის გასვლიდან ხარვეზის გამოსწორების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.4 „შემსყიდველის“ მიერ ხელშეკრულებით გათვალისწინებული ფაქტიურად შესრულებული ტექ.მომსახურების (სერვისი სათადარიგო ნაწილებით) ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

7.5 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი

ელექტრონული ტენდერი პრეისკურანტით სსე-სათვის ავტოტრანსპორტის ტექნიკური მომსახურების (სერვისი სათადარიგო ნაწილებით-ა/მანქანებისთვის მაღალი წნევის მილების დამზადების და შეკეთების მომსახურება) შესყიდვა სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

7.6 „შემსყიდველი“ უფლებამოსილია ფაქტიურად შესრულებული ტექ.მომსახურების (სერვისი სათადარიგო ნაწილებით) ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 7.4 პუნქტით გათვალისწინებული პირგასამტეხლოს დარიცხვის საფუძველი.

7.7 წინამდებარე ხელშეკრულებით განსაზღვრული ტექ.მომსახურების (სერვისი სათადარიგო ნაწილებით) სრულად არშესყიდვის შემთხვევაში „შემსყიდველს“ პასუხისმგებლობა არ ეკისრება.

XIII. ხელშეკრულების შესრულების კონტროლი

8.1 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ „შემსყიდველი“ კონტროლის მიზნით გამოიყენებს საკუთარ ან მოწვეულ პერსონალს, მისი შრომის ანაზღაურებას უზრუნველყოფს თვით „შემსყიდველი“.

8.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8.3 ამ მუხლის არც ერთი პუნქტი არ ათავისუფლებს „მიმწოდებელს“ მოცემული ხელშეკრულების ვალდებულებებისაგან.

8.4 ხელშეკრულების შესრულების კონტროლს „შემსყიდველის“ მხრიდან უზრუნველყოფს სს „საქართველოს სახელმწიფო ელექტროსისტემის“ -----.

8.5 კონტროლი განხორციელდება გაწეული ტექნიკური მომსახურების (სერვისი სათადარიგო ნაწილებით) ხარისხისა და მომსახურების გაწევის ვადის შესაბამისობით ხელშეკრულების პირობებთან.

IX. შესყიდვის ობიექტის მიღება-ჩაბარების წესი

9.1 მიღება-ჩაბარების აქტი ფორმდება ეტაპობრივად, ფაქტიურად შესრულებული მოცულობის მიხედვით ავტოტრანსპორტზე გაწეულ ტექნიკურ მომსახურებაზე (სერვისი სათადარიგო ნაწილებით)..

9.2 მიღება-ჩაბარების აქტზე ხელმოწერ პირად განისაზღვრა შესაბამისი დირექტორთა საბჭოს წევრი ან/და შესაბამისი დეპარტამენტის უფროსი.

9.2 „მიმწოდებლის“ მიერ წინამდებარე ხელშეკრულების 9.4 ქვეპუნქტით განსაზღვრული პირი ამოწმებს გაწეული მომსახურების შესაბამისობას წინამდებარე ხელშეკრულების პირობებთან. ხარვეზების არ არსებობის შემთხვევაში ფორმდება მიღება-ჩაბარების აქტი ფაქტიურად გაწეულ მომსახურებაზე.

9.3 წინამდებარე ხელშეკრულებით განსაზღვრული მომსახურება მიღებულად ჩაითვლება მიღება-ჩაბარების აქტის გაფორმებისთანავე.

X. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს – მაჟორის არსებობის საკმარის დამადასტურებელ საბუთად მხარეები განიხილავენ შესაბამისის ქვეყნის სავაჭრო-სამრეწველო პალატის მიერ გაცემულად სათანადო ცნობას.

ელექტრონული ტენდერი პრეისკურანტით სსე-სათვის ავტოტრანსპორტის ტექნიკური მომსახურების (სერვისი სათადარიგო ნაწილებით-ა/მანქანებისთვის მაღალი წნევის მილების დამზადების და შეკეთების მომსახურება) შესყიდვა

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

XI. ურთიერთობა მხარეებს შორის

11.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან/და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

11.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

XII. ხელშეკრულების პირობების შეცვლა და/ან ვადამდე მოშლა

12.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა შეთანხმების საფუძველზე.

12.2. ხელშეკრულება შეიძლება ვადამდე მოიშალოს:

12.2.1. მხარეთა შეთანხმებით;

12.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

12.3 “შემსყიდველს” შეუძლია ხელშეკრულება ვადამდე შეწყვიტოს:

12.3.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2. “შემსყიდველის” გადახდის უუნარობის დადგენის შემთხვევაში;

12.3.3. თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ხელშეკრულების საგნის შესახებ ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

12.3.4. საქართველოს კანონმდებლობით გათვალისწინებულ სხვა შემთხვევებში.

12.4 ამ ხელშეკრულების 12.3 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიღებული მომსახურების ღირებულება.

12.5 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა. ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

12.6 თუ ხელშეკრულების მოქმედების პერიოდში აღმოჩნდება, რომ განფასების ცხრილი არ მოიცავს მომსახურებას, აღნიშნული მომსახურების ერთეულის ფასი (მისი შესყიდვის აუცილებლობისას) დგინდება მხარეთა შორის ურთიერთშეთანხმების საფუძველზე, საბაზრო ფასის გათვალისწინებით. ასეთ შემთხვევაში განფასების ცხრილებში მომსახურების რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

XIII. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIV. დავათა განხილვა

14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

14.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XV. ხელშეკრულების მოქმედების ვადა.

15.1. ხელშეკრულება ძალაში შედის მხარეთა მიერ ხელმოწერისთანავე.

15.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 202- წლის ----- ჩათვლით, ხოლო საგარანტიო ვალდებულებების ნაწილში საგარანტიო ვადის ბოლომდე.

XVI. ხელშეკრულების სხვა პირობები

16.1. ხელშეკრულება შედგენილია ქართულ ენაზე.

16.2. ისეთ შემთხვევებში, რომლებიც არაა გათვალისწინებული ამ ხელშეკრულებით, მხარეები ხელმძღვანელობენ საქართველოში მოქმედი კანონმდებლობით.

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

XVII. კონფიდენციალურობა და გაუმჟღავნებლობა

17.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

XIX. მხარეთა რეკვიზიტები

„შემსყიდველი“:

„მიმწოდებელი“:

დანართი #1

ფასების ცხრილი

დანართი #2

ტექნიკური პირობა
